

Universitätsbibliothek Paderborn

Impius Infelix

Texier, Claude

Augustae Vindelicorum [u.a.], 1695

Prima est, veram concipere ideam Prædicatoris Evangelici & Actionis,
quam in prædicatione exercet.

[urn:nbn:de:hbz:466:1-45950](#)

Ad Auditores præviè disponendos.

3

Discamus itaque hodie dotes, seu qualitates, quibus DIVISIO.
pollere debet fidelis auditor, earum tres invenio, in quas
modò discursum hunc dividam. Prima est, veram in se
concipere ideam Prædicatoris Evangelici, & actionis,
quam adhibet in ipsa prædicatione. Secunda est, forma-
re intentionem tali idea conformem. Et tertia, omnem
excludere intentionem huic idea difformem. Gratia
sancti Spiritus, qui æquè bonos auditores ac bonos con-
cionatores effingere novit, nobis æqualiter est necessaria:
pro quâ obtainendâ accedamus Eundem mediante inter-
ventu illius, quæ in sinu suo Virginico concepit Verbum
increatuum, quando Angelus ei dixit: *Ave Maria &c.*

Veræ ac perfectæ rerum omnium ideae eminenter
continentur in intellectu Divino; quia utope Creator Punctum.
universalis omnium essentiarum, primitus illas efforma-
vit, & expressit in sua cognitione, mentem proinde ipsius
consulamus, ad perdiscendam qualitatem ac functionem
prædicatoris, indéque inferamus, quales debeant esse Au-
ditores.

Dubitare tam parùm, quām principiis fidei renun-
tiare licet, quin prædicatio sit opus institutionis Divinæ;
sed omnino credere oportet, quod Deus ipse omnis veri-
tatis author loquens in lege veteri per Prophetarum ora-
cula, in nova ore proprio sui Filii, post ipsum per Aposto-
lorum suorum linguas, nosque adhuc instruat per eorum
successores legitimè adhoc ordinatos, ac missos à Pontifi-
ce, aut Episcopis, per autoritatem Ecclæ siæ ministerium
istum Apostolicum usurpantes, ut reconditos scripturæ
sensus & veritates nobis exponant.

Hi itaq; ex illis sunt, quibus per missionem à Præla-
tis acceptam Deus credidit Divinum istum semen, sine
quo,

A z

quo,

4

Sermo Primus.

Isa 1. 9. quo, Isaia teste, detestandi magis essemus Sodoma & Gomorrha. *Nisi Dominus exercituum reliquisset nobis semen, quasi Sodoma fuissimus, & quasi Gomorrha similes essemus.* Semen fecundum, quod profert germen vitae immortalis; unde S. Hilarius praedicatores appellat Satores aeternitatis.

Comment. in Matth. can. 4.

Isa. 60. 8. Sunt nubes illæ volantes, quarum idem Seraphicus, Vates meminit, quæ motore Divino Spiritu ejusq; afflatus impulsæ undiquaque deferunt abundantiam & fertilitatem. *Qui sunt isti, qui ut nubes volant?* nubes mysteriis prægnantes, destinatae ad irrorandas suorum Auditorum animas, pluviis valde pretiosis, ut observat Apostolorum princeps: *In aspersionem sanguinis Jesu Christi.*

Psal. 17. 15. Si tales sunt, quales Deus esse vult, mox cognoscetis, quòd sint tonitrua, grandine iræ Dei gravida, in impiorum capita exoneranda, quòd sint fulgura flammis vindictæ Divinæ ardentia, ad reprobos è peccati veterno excusitandos. Verba Dei sunt intra illorum manus arcuum, & penetrantium sagittarum instar, quibus Auditorum corda configant. Huc respexit Psalter Regius, visus est Divo Augustino, dum cecinit: *Misit sagittas suas & dissipavit eos, fulgura multiplicavit, & conturbavit eos.*

Necdum ad veram Ecclesiastis ideam hactenus pertigimus, inquit hic Doctor, nisi consideremus concionatores, ut censores publicos, à Deo in Ecclesia constitutos, ut objurgando peccata, nemini pareant. Ne attenderitis, vos contestor, abjectionem, vilitatem, defectus ipsius hominis: sed legite in cap. 28. Isaiæ commissione à Deo ipsis delatam, his verbis expressam: *Clama ne cesses, annuntia populo meo scelerā eorum.* Commissio renovata ac confirmata est per S. Paulum erga Timotheum discipulum suum:

Ad Auditores præviè disponendos. 5

ssum Dei nomine scribentem : Mi Prædicator, adjuro te coram facie Divinæ Majestatis, per gloriæ & meritorum excellentiam Christi, Jūdicis vivorum & mortuorum, per terrorem adventus ipsius extremi, per potentiam regni ejus annuntia verbum vitæ citra defatigationem, non spe-^{g. Tim. 4.2.} &tes commoditatem, nec attendas humorem, genium te audientium, neque cures, num contristeris illos, audacter, instanter, efficaciter Argue, obsecra, increpa. Ecce, quidnam Deus à te tuiq; similibus exigat Deus.

Neque dum satis est sentire & vocare cum S. Paulo Prædicatores, Commissarios Christi, nisi subjungamus Divinum oraculum per Jérémiam Prophetam enuntiatum, quo déclarantur esse os Dei ; si separaveris pretiosum ^{Jérém. 15.19.} à vili, quasi os meum eris.

Progrediamur alterius, & dicamus, quòd Deus augustum illum munus & magnificum suæ Paternitatis prædicatum generandi nim. filios adoptivos per gratiam, quodammodo communicet Prædicatoribus, eos eligendo, ut S. Paulus testatur ad Galatas, ad regenerandos secundâ vice per Verbum veritatis illos, quos Christus primò in Cruce prægenuit : *Filioli mei, quos iterum parturio, donec Gal. 4.19.* Christus formetur in vobis. Vel potius sequendo conceptum Gregorii Magni, dicamus, Deum iis tribuere certo modo gloriam maternitatis Sacratissimæ Dei-parentis, Virginis, cùm ipsorum ora vocesq; adhibeat ad parendum Christum in cordibus suorum fidelium, ita quidem, ut qui Christi soror & frater est credendo, mater efficiatur ^{Hom. 3. in} predicando, quasi enim parit Dominum, quem cordi audientis ^{Evang.} infuderit.

Proposita jam hæc Prædicatorum idea non mearum inventionum coloribus adumbrata, sed ab ipso Divino

A. 3. peni-

penicillo in scripturis sacris, quarum interpres sunt Pontifices & Ecclesiarum Doctores, expressa est.

Hanc itaque in vobis pariter concipere debetis, quando eos bene audire desideratis; sicut etiam oportet nos alias esse illustratos luminibus fidei ad perspiciendum sub umbra carnis latentem in Christo Deum; ita necesse est, iisdem illustrationibus imbui ad cognoscendam sub tot tantisque defectibus & imperfectionibus humanis reconditam autoritatem increatam Dei, quam Prædicator in suâ personâ præfert. Hinc, nè illos adeatis spiritûs vani aut curiositatis impulsu, sicuti quendam declamatorem aut Sophistam convenire soletis, sed Deum ipsorum ore vobis loquentem attendite: *Qui vos audit, me audit. Credite, quod cum actio, quæ in prædicatione adhibetur & exercetur, sit totaliter Divina in sua institutione, & in suo fine, consequenter etiam vestra actio, illos Dei intercessiones excipiendo, supernaturalis debeat esse ac Divina.*

Luc. 10. 16.

Tradunt etiam Doctores, aptissimam esse analogiam inter Verbum Dei, quod Prædicatores annuntiant, & Verbum increatum, quod in augusto Altaris Sacramento recipimus. Discamus igitur unum venerari iis, quæ alteri deferimus, obsequijs. 1. Adoramus Servatorem nostrum, prius quam eundem Suscipiamus. nec quis præsumit, comedere hunc cibum absq; præmissa adoratione, advertit S. Augustinus. 2. Emundamus item animas nostras per præviam confessionem. 3. Accedimus Divinam mensam cum profunda humilitate, quæ est effectus veræ fidei. Similes actiones sunt præmittendæ concionibus; adorandus est cum primis Spiritus sanctus, cuius organum, per quod is loquitur, est concionator; petenda ab eo gratia & dispositio congrua; cum autem in cor vestrum

exci-

excipiatis Dini num hunc rorem, istum sanguineum Christi imbre, qui moraliter comitatur suum Verbum, emaculate illud per lavacrum præviae contritionis à peccatis vestris: tandem locum in auditorio eligite cum seria mentis recollectione & profunda animæ humiliatione. Imitamini Magdalenam ad pedes filii Dei considentem, ejusdem verba veluti rorem cœlestem ex ore Divinæ sapientiæ profluum colligentem: *Maria sedens secus pedes Domini audiebat verbum illius.* En primum meum punctum. Luc. 10. 39.

Formatâ sic prædictoris ideâ, conformare oportet intentionem eidem, qualis hic est in mente Divina, & actioni, quæ exercetur ab ipso in prædicatione. Duo auditorum genera in hoc punto delinquent; quidam enim ad concionem se conferunt sine ulla intentione, exinde profectum capiendi, alii verò habent positivè contrarias & oppositas illi, quam hîc exprimimus ideam. Et hoc est, quod nobis in consequentibus duobus punctis est pertractandum.

Primum genus Auditorum deficientium est eorum, qui intellectum quidem sed nullum cor secum deferunt ad concionem, hos Oseas perstringit: *Divisum est cor eorum, nunc interibunt.* Osee 10. 2. Cordis nomine passim in Scriptura, juxta Doct. Angelici mentem, intelligitur pars animæ superior, consistens in intellectu & voluntate. Ad proficiendum ergo è veritatibus cognitis, necessarium est, ut binæ hæ potentiæ indiviso unionis vinculo arctè constringantur; ut intellectus in rationes suos defigat obtutus, earum momenta libret, uno verbo, is præcedat, ducatum & lumen porrigo voluntati, quem voluntas eodem mox tempore sequatur, ad hærendo per amoris affectus & desideria, bono sibi proposito & perspecto, per odium